










121/124/10

595



THESES DE
COCHLEATIONE
EJUSQUE VENENOSA CONTA-
GIONE, ET MULTIPLICIBUS
SPECIEBUS,

Quas

Sub Præside

HASIONE LEFLERO

Narragonensi,

*Pro privato & domestico exercitio sui,
defendet*

VOLUCRINIA LEPIDA

Stutzerensis :

*In Collegij hujus facultatis penetralibus, in frequen-
tia utriusq; sexus,*

Calendis temporis præsentis, præteriti & futuri.



Excusæ Anno M. DC. XXVII.

COCHLEA TONE

L'USQUE VENTURA GONIA
GION ET MONTI

HASTONE LEMERO

VOLECRINA LEMERO



PLATE 10 OF DC. XXVII



I.

IN superiori Disputatione de Hasione ejusq. speciebus à nobis proposita, satis superq. examinata, inter reliqua de Hasionibus Venericis & Amatorijs, hoc est, de Cochleatoribus pauca quadam diximus, sed cum in genere scire, secundum Aristotelem, confusam tantum pariat cognitionem, & cochleatores nolint confusam habere virginum cognitionem, opera pretium duximus, specialius de unica illa specie hoc tempore agere, ut specialior fiat Hasionum illarum specialium speculatio: Cum pulcrum sit digito monstrari & dicier, Hic est, scilicet non unus tantum magnus hasio, sed & insignis cochleator: Et non minus pulcrum sit monstrari & dicier, Hac est una magna hasibilis cochleatrix.

I I. Benè autem intelligendum est, quòd nunc cochleatio non amplius sit symptoma Hasibilitatis, sed quòd Hasibilitas sit vel genus, vel symptoma saltem cochleationis, quod non est mirum, cum medicis notum sit, diverso respectu idem symptoma & morbum principalem esse posse, non secus sicut aliquis diverso respectu Hasio, Leimstenglerus, & Cochleator simul esse potest, ut etiam Puella simul virgines cochleatrices, meretrices, Leimstengletrices esse possunt, siquidem nomina omnia in IX sint generis foeminini, & utrumq. sit Accusativi casus.

I I I. Quid verò vocabulum Cochleationis significat, ex gemmagemmarum virginum, & ex Lexicis & Calepino Ancillarum peti poterit, quæ derivant illud nomen ex cochlearibus, quòd nempe ij, qui hac qualitate vel morbo affecti sint, tam libenter lingant virgines, quàm famelicus offam vel

cochlearia, unde postea hi agroti cochleatores, Germanicè
Lefflers vocantur, quadratq; in eos proverbium: Leder auß
der Kichen.

IV. Alij sunt in ea sententia, quòd nomen cochleationis
ortum sit ex pompa (visa mihi digna relatu) nempe, quòd ta-
li cuidam socio ancilla vel virgo (ancillæ enim virgines non
sunt) cochlear quoddam clanculariè vestibus appenderit, &
pileo affixerit, (eodem modo ut virgini antica pars caliga-
rum adolescentis appensa fuit) unde postea hac fabula omni-
bus cochleatoribus nomen hoc à cochlearibus fecerit, ut ad-
huc hodie sic vocentur juxta versum: Semper onos nomenq;
suum Leporesq; manebunt.

V. Sed ut ad rem perveniamus. Quid Cochleatio sit,
queritur amplius, nam licet constet ex superiore Hætionis di-
sputatione, quòd morbus sit, tamen quia hi cochleatores no-
lunt credere, se morbo laborare, creditur, quòd non sit mor-
bus, sed contra illos sciendum est, quòd licet illi hoc nesciant,
nihilominus tamen esse: nam sicut maxima fatuitas est, cum
quis se fatū ignorat, ita maximus morbus est, qui ignoratur.

VI. Est ergò Cochleatio non tantum morbus, verum et-
iam venenum, dulce primum, postea amarum, in utroq; ge-
nere, masculino & fæminino, in optativo & conjunctivo mo-
do, serpens primum ex oculis in oculos, ex ore in os, ex lingua
in linguam, ex manibus in collum & brachia, ex carne in
spiritum febriliter, sæpè etiam in abyssum carnis pestilentiali-
ter omnes venas in toto corpore humano occupat.

VII. Dicimus autem Cochleationem venenum, quòd
tam contagiosè serpat & propagetur, maximè ex conversa-
tione utriusq; sexus, non secus ut in peste contagiosa venenum
propagatur, sæpè tantum ex ipso visu, non secus ac si virgines
essent basilisci, quæ visu suo adolescentes inficiant, aut contra
etiam ab adolescentibus inficiantur, ut mutua hæc cochleatio
merè

merè ex conversatione venenosè propagetur, & in venas nervosq; derivetur.

VIII. Sicut autem multa sunt in corpore vena & nervi, sic quoq; sunt multa figura & modi cochleandi, secundum variationem locorum affectorū, ut quivis facile intelligit, quarum prima, quæ fit ex oculis, & nervos visivos occupat, ut adolescentes & puella in Optativo modo, qui in Spiritu & ex oculis cochleantur, unde fit, ut puella per totum diem propè fenestram sedeant, ut sartorum servi, & expectent adolescentes pratererantes.

IX. Non autem ex aequo expectant & spectant, sed cum cochleatio ratione termini, non tantum sit in quinta specie qualitatis, sed & in Pradicamento Relationis, correlativum suum cochleantem, quem Junckerum, si Dijs placet, vocant, maximopere & sitienter expectant. Qui si praterit, non directè in fenestram faciem vertit, sed acutos & obliquos facit oculorum angulos, ut & illam suam correlativam videat, & alius non animadvertat.

X. Et hoc non interdū fit, sed & noctū, tunc enim illa, domo clausa, jacet in fenestra superioris contignationis janua tali signo * notata, hic verò ante fores musica, alijsq; instrumentis exhibet ei chorum, & canit illud Orlandi, Surge, propera. Item, Ich kan schleichen / Steh auff vnd laß mich ein! Si hæc præ parentibus aperire non audet, flet in illam musicam, O suavis musica, In fine videbitur cuius toni.

XI. Sæpè etiam in templo certas sibi stationes describunt, ut alter alteram, aut altera alterum videre possit, & inde fit, ut nullam negligant concionem, quā non templum frequentent, Non propter Lazarum, sed propter Martham.

XII. In hac figura videas oculorum nutus frequentissimos, tensiones oris, motiones capitis, & pectoris, quæ gemitum præ se ferunt, sreatus, tusses breves, ehum, ehum, gesticula-

tiones manuum, risus levicolus, Sic tamen ne rusticus intel-
ligat, ostensiones manusculorum, corollarum, annulorum,
libellorum aureorum, amicularum, strophilorum, pomorum
rubrorum, & id genus alia, Idem faciunt in nuptiis & cho-
reis, maximè si alius cum alia, non propria correlativa con-
jungatur.

XIII. Ex oculis aliquando, non semper tamen descendit
hoc venenum in alias partes corporis, nimirum si ex optativo
modo derivetur in conjunctivum, cujus derivationis ratio
prius nobis explicanda est, quàm doceatur, quomodo in alias
partes venenum hoc descendat.

XIV. Sunt autem derivationis hujus, ut jungantur,
casus varij: Quidam enim adolescentes cum volunt non tan-
tum oculis & spiritu, sed conjunctim enter & praesenter co-
chleare, & virginibus conjungi, mittunt aliquando famu-
los, per quos quærunt, anne vinum & cerevisia ibi sit vena-
lis: si sit, non opus est multis ambagibus, si non sit, quærunt
proximam vicinam domum, eò virgines accerunt, imò qua
non invitæ eò veniunt, ibi quid agant, postea docebitur.

XV. Virgines verò ancillas suas mittunt, per quas fin-
gunt peregrinas eò venisse litteras, quas ipse auferat, ne de-
cipiatur à tabellario. Haud rarò etiam invicem sibi litteras
scribunt, & extra portas in hortum, aut alias peregrinas do-
mos se vocant.

XVI. Translationis Epistolarum miri sunt modi: nam
aliquando virgines complicant litteras in modum spiræ, &
super hanc spiram flectunt & ligant flores in modum coro-
næ, quam postea adolescentibus mittunt, unde mens illorum
mutuò patefiat: videte quaso, nonne hac fallaciâ munition-
es & urbes prodi possunt? Res hac verè acta est.

XVII. Sapè folium Charta lusoria mittunt, numero-
rum octo, aut novem, quod significat adolescentes debere ve-

nire

nere vesperi circa horam octavam aut nonam, quod non tantum puella, sed famella etiam faciant, nimirum cum maritus non est domi, aut cum fessus socius dormit sicut piger Epimenides. Ratio est, quia, cur etiam non est alacris & fortis in bello.

XVIII. Cum ergo jam derivantur in conjunctivum modum, tunc primo venenum illud contagiosum se exerit, & linguam occupat, ut nihil aliud audiatur, quam meum corculum, meum suavium, mea columba, mea gallina (quia debet excludere ova) imò totum sensum gustus perdit & accendit, unde fit oris ad os combinatio, labiorum lambatio, vel linctura, lingua cum lingua refrigeratio, & manuum in partes corporis varias insinuatio.

XIX. Aut si hoc nondum licet, nimirum si adhuc lupus quidam sit in fabula, tunc saltem fit manuum datio, leviuscula lateris ad latus compressio, titillatio, pedum contactus, genuum ad genua, si fieri potest, applicatio, oculorum nutus, arrisio.

XX. Videmus etiam quod non raro cum lapillis & putaminibus nucum jaculationes intendunt, & petant se mutuo pomis, juxta illud: Malo me Galathea petit lasciva puella,
Et fugit ad salices, & se cupit ante videri.

XXI. Donec tandem lupus, qui adfuit, absit, & tunc sequuntur, quæ thes. 18. descripsimus, & præterea insinuat se venenum in omnes venas totius corporis: In Cephalicam primum, & caput utrinque ita dementat, ut videntes non videant, & audientes non audiant, & cum ament Ranam, ranam putent esse Dianam, & cum putent Amorem cadere super folium Rosa, cadit super folium, quod ex vacca prolapsus est. Quæ stupefactio sensuum inde oritur, quia omnes spiritus visivos & auditorios venenum summo suo frigore constipat, ut fiant tanquam stipites: aut summo calore exsiccant

stecat & absorbit : Utrumq; enim in hoc veneno est, calor & frigus, in quarto scilicet gradu.

XXII. Sæpè in humerariam axillarem, & anteriorem cubiti venam, quæ Hepatica dicitur, venenum hoc collabitur, & hinc homines ab amplexu hamerorum & cubitorum non possunt iterum divelli : fortè quod fiant in venis & nervis contracti, ut tam curva brachia semel collis injecta, iterum non possint rectificare.

XXIII. Non secus sicut illi, qui in combinatione oris juncti, disjungi iterum nequeunt, cum nimirum cutis labiorum exsiccetur & corrugetur, non secus sicut crumena vetularum; ut labra iterum planari nequeant : imò ut sæpè cutis ex tot osculationibus abradatur & perfricetur. His postea peculiare unguentum pro labris præparandum est. Sed de curatione hujus morbi suo tempore.

XXIV. Rarissimè fit, ut hoc venenum in Cardiacam seu cordialem venam cadat, quia si hoc fit, tunc fit lethale : itaq; maximè frequenter manet tantum in superficie Epatis & brachij in exterioribus venis, membranisque oris & linguae, juxta illud : Amo te quidem, sed non ut ducam : & verba puellarum folijs leviora caducis.

XXV. Fit tamen aliquando, ut in cardiacam cadat, sed tunc est magnum periculum, quia inde derivatur in adolescentibus in ramum alicujus venæ ferè medianæ, in qua excitat spiritus & inflammat, ulcusq; excitat purulentum, à quo nificaveant sibi correlativæ cochleatrices, statim in magnas cadunt passionēs, acquiruntq; innumeros morbos complicatos, ut tumorem & obstructionem, quæ postea vitæ & mortis periculum inducunt.

XXVI. Et hæc species est pestilentialis, cum nimirum venenum, ut in definitione diximus, ex carne in spiritus, ex spiritibus in abyssum carnis prolabitur, quam ut omnes diligenter fugiatis, admonendi estis.

In

XXVII. In hanc formam cadunt illa femina, quae adolescentes domos & hortos suos semper frequentare jubent, & subjiciunt consilia, quomodo nimirum illud occultare possint, nimirum jubent chartam & pennas secum portare, ut videantur populo aliquid scribere: & revera sic se res habet, quia scribunt illi Socij, non tamen in charta, sed palimpsesto litteras, ut vocant, versalicas, seu magnas, quas ad vivum, juxta exemplaria artificis, sic exprimunt, ut nihil habeas, quod improbes suo tempore.

XXVIII. Nunc aliquid adhuc arcanum & secretum de Natura hujus veneni explicabo: Aliquando hoc venenum non est contagiosum & non egreditur agrotum, sed manet in uno subjecto. Et haec cochleatio spuria est, & improprie sic dicta.

XXIX. Queris, quando hoc fiat, & in quibus? In virginibus aequè in adolescentibus: Sunt enim adolescentes, qui uxorem ducere volentes, omnes virgines ex aequo contemnunt, nulla est tam pulchra, tam elegans, tam benè constituta, quin illi habeant, quod in illis vituperent, & jubent sibi pingi unam, ad cujus similitudinem si non aliquam inveniunt, in se venenum hoc retorquetur.

XXX. Ejusdem farinae sunt quoque virgines, quae licet sint matura ut nuges, non possunt tamen ullum invenire adolescentem, qui vel incessu, vel barba, vel oculis, vel naso, vel genis, situque corporis illis non improbetur, quos vexant, deludunt, sic tamen, ut dum vexent & deludant, vexentur ipsae, & deludant se ipsas.

XXXI. Fit enim ut cum diu elegerint, postea negligantur, & maneant, quae sunt, senescant, fiant pecora campi, obscura capita, quae tandem Dijs agant gratias, si vel claudum Vulcanum, vel Saturnum, vel Aesopum aliquem accipiant apud manum: Dignum scilicet patella operculum.

XXXII. Sic ubi venenum in eodem subiecto permanet, incipiunt sibi solis placere. Et adolescentes emunt magna specula, magnos pectines, strigiles, miseramq; suam barbam & capillos pectant, repectant, tondunt, retundunt, capillos apud aures & in fronte crispant, collaria jam sic, jam aliter corrugant, pileos purgant, repurgant, & diversimodè collocant, & seipsos non secus ac feles lingunt.

XXXIII. Idem faciunt virgines, nisi quòd illis barba oralis negotium nullum faceffat: illæ emunt viscosas strigiles, genas pingunt fucis, orant ad specula novo pietatis cultu, nempe cum in libris precationum habeant specula, in quibus suam imagunculam specularunt, & ex toto corde adorant, & invocant seipsas, siquidem se Deas, Veneres, Junones & Helenas esse presumant.

XXXIV. Quæ hac specula secum non habent, illæ cum volunt domo exire, ante speculum componunt os semel, & postea vel non vel vix id ipsum iterum aperiunt, ne plicas istius compositionis corrumpant, & de novo iterum sic componere nequeant.

XXXV. Et hac cochleationis species contemnenda non est, cum multa viderimus exempla, quæ hac impropria cochleatione tandem ad propriè sic dictam cochleationem pervenerint: Est enim Parascève ad sequentem scenam.

XXXVI. Redeamus nunc ad superiorem propriè sic dictam cochleationem inter utrumq; sexû, & quasdam cochleatium distinctiones doceamus, quæ sunt, quòd quidam cochleatores sint felices, quidam infelices, ut e.g. qui volût puellis strophila abripere, & illis invitis discindant. Et qui puellas invitæ volunt super braccas & genua collocare, & invitæ alijs modis familiariter tractare, & qui quando non possunt cum virgine cochleare, cum ancilla cochleant. Illi enim in hoc Donato cochleationis suum Felix non benè didicerunt, juxta illud:

illud: Amare & non amari, sive non gustare, facit Diabolum murmurare. Et hi possunt etiam hebetes dici, ad differentiam aliorum, qui acres dicuntur.

XXXVII. Est adhuc nova distinctio, quam benè notate, qua inservit ad dignoscendos Tyrunculos ab artificibus, nam quando quidam vix veniunt ex schola A. b. c. daria, statim tam habibilibiter discurrunt, ut hac peste inficiantur, & postea se tam ineptos præbent, ut dici nequeat: Hi nondum sunt lepores, sed cuniculi in habibilitate: in cochleatione verò sunt cochleatores in sedecimo: Artifices verò veterani cochleatores sunt in folio: Intermedij sunt in quarto & octavo.

XXXVIII. Id verò æquè in adolescentibus ac puellis contingit, in quibus etiam sunt quædam in folio cochleatrices, quæ non tantum unum, sed vel decem correlativa seu Junceros habere possunt, & eos mirum in modum tractare, unum vexare, pedibus calcando, alterum, manus dando, tertium aridendo. Non minus etiam inter eas sunt quædam in sedecimo, quæ, ubi vix canas egressæ sunt, nondumq; acum vel colum tractare didicerunt, statim discunt se juvenibus agglutinare, quia urit maturè, quod vult eine Hure manere: & A teneris assuescere multum est. Intermedia sunt in quarto & octavo.

XXXIX. Tandem dicenda sunt prognostica illius morbi signa, seu veneni illius affecta: Sunt autem ea, pecuniæ mûdio, & febris in crumena, quia, qui vult cochleare, debet pecunifare. Debet enim dare amículas, catenas, pallia, monilia, & hujusmodi alia: Virgines pileorum spiras, strophiola, coronas, &c. Item Rivalitas, si pulcra: Si deformis, crux & explosio. Item, planctus & luctus. Nam quando adolescentes abeunt, ut hanc veneni contagionem vitent, oritur luctus & stridor dentium, fletus, ejulatus, & sic corbisatio, de qua fortè aliàs plura. Item successio alterius post amissionem unius. Nam successore novo tollitur omnis amans. Sym-

*XL. Symptomata sunt omnes eâ affectiones, quæ in Ha-
stili qualitate accidere dicta sunt.*

*XLl. Signa sunt magnum oculorum albumen, gyratio
eorundem, frequens pallor, gemitus profundi, annuli dupli-
cium manuum, aut corculi transfixi signa gerentes. Tremor
vena ferè medianæ, & reliquæ phantasiæ, quæ thesi 12. supra
recitata sunt. Plura vel qui ipse cochleator est, vel cochlean-
tium assiduus comes & spectator est, observare poterit: Inte-
rim caveat tamen, ne illa contagione simul spectando corri-
piatur, juxta illud: Qui claudio cohabitât, claudicare
discit. Et, qui picem tangit, inquin-
bitur ab eâ.*

COROLLARIA.

1. An omnis cochleatio sit parasceve ad sequentem scenam nu-
ptiarum, conjunctionis & oppositionis? Negatur.
2. Uter sexus, masculus an fæminæus, fertilior & maturior sit ad
cochleandum. Respondetur, pro sexu fæmineo.
3. An rusticorum servi cum ancillis rusticis dicantur etiam co-
chleare? Respondetur, quòd non, quia rusticus venter non
gignit sensum tenuem, sed crassum.
4. An una actio cochleationis faciat habitum? Affirmatur,
contra omnes Logicos.
5. An cochleatio fieri possit in instanti? Affirmatur contra o-
mnes Phycos.
6. An in sistemate cantus cochleatorij, ex amaro & dulci fiat
bona harmonia? Affirmatur, quia repercussio in tertio &
quarto modo est A Mi in La mi.
7. Uter numerum de cochleatione sit perfectior? Responde-
tur, Binarius contra Arithmeticos, qui dicunt numerum de-
narium esse perfectissimum.



THEMATA MEDICA

DE

BEANORUM,
ARCHIBEANORUM,
BEANULORUM ET CORNUTORUM
QUORUMCUNQUE AFFECTIBUS
ET CURATIONE.

Ad quæ Praefidente

Admodum Præcellenti & Exquisito

CORNELIO CERASTO CORNANO
Medico & Chirurgo Regio
Beanorum.


RESPONDEBIT

CARIOLLINUS TEVETIO CRUFENAS.



CORNANÆ.

Typis WOLFGANGI Blasß ins Horn.



DE POSITORIBUS ET BEANORUM
CHIRURGICIS S.S.



Um hoc symptoma priscis seculis ferme ignotum jam indies magis divulgatur, pluribus etiam adhuc Medicis ignotum male curatur, ita ut ægri sæpè succumbant, aut peiores recidivas patiantur, operæ precium duximus, ob publicam utilitatem, ea quæ in praxi jam aliquot annis observavimus, hoc loco proponere, ut tam fœdæ luis accuratior pateat natura & curatio.

1. A nomine ideoq; rem auspicabimur. Vocantur hi patientes Latinis, ut Ciceroni & Quintiliano Beani, Beanuli, & Archibeani, & à primario Symptomate Cornuti, licet distincturi simus in progressu sermonis. Germanis Wachanteu/ Pennahl/ Janip/ Gehörnte/ Wilde/ quod vix cicurari possint, Beschoffene & Eseln. Græcis ἀστυ licet hoc nimis sit generale. Hæbræis חרית. Nos autem Grammaticis vocabula linquentes, ad pugnam tam sævi hostis properamus.

3. Beanismus hic definiri potest, quod sit symptoma actionis depravatæ facultatis principis à parentum semine & mala educatione, vel utriq; ortum ducens, & cornibus extra cranium exeuntibus se prodens.

4. Et licet multiplex sit hoc symptoma & variè dividi possit: optima tamen divisio est, in ARCHIBEANOS, BEANOS & BEANULOS.

5. Archibeani sunt in quibus malum planè inveteratum, & cornua habent plurima, maxima, fœdi coloris, emedullata, tetrum odorem exhalantia, inæqualia, ramosa, dura, aspera, quadrata, nigricantia, liventia, longa, curva, & dicuntur POLYCORNES.

6. Beani mitiora quodammodo habent accidentia, cornua ut plurimum bina, eaq; media inter utrosq; liventia aut flaventia, aliquid habentia medullæ, & dicuntur BICORNES.

7. Bea-

7. Beanuli cornu Unicum saltem habent satis acutum, in medio plerumq; frontis, duorum aut trium cubitorum, idq; molle, glabrum, rotundum simplex rectâ fursum tendens, subflavi coloris, parum foetens, copiosa medulla, &c. & hi appellantur **MONOCEROTES.**

8. De loco affecto in primis sollicitos nos esse oportet, nam frustra aliâs in curatione sudabimus: est autem is cerebrum potissimum, & quidem membrana ipsius dura mater, quæ inde nomen habet, ubi etiam plerumq; desinit, licet ad radices oculorum quandoq; pertigisse referat Doctiss. D. Cajus Cornarius in sua praxi nondum edita fol. 20265126. Qui quoque suspicatur corneæ tunicæ inde nomen migrasse.

9. Causæ hujus affectus multiplices, Aër sylvestris & obscurus, qualis est in scholis particularibus, ut sunt Lavingana, Lyncensis, &c. Item Dölpelhusensis, Bubendorffensis, Stockfischhusensis, Pickelharingensis, aliquibus in locis Bavarix, Svevia, & adhuc Misna, Grimmæ & Portæ. Item Halæ, Magdeburgæ, Brunsvigæ, Hildesix, Amstelrodami, Stetini, Lubecæ, Bremæ, Padelbornæ, Sawfurti, Stierfurti, Hasfurti, Servestæ, Breslaviæ, Ambergæ, Naunburgi, Dusseldorpij, Ultrajecti.

10. Apud varios varij cibi in causa sunt, & quidem ij qui crassum imò crassissimum generant succum, ut carnes animalium cornutorum, asinorum, asellorum marinorum, panis item scholasticus, caseus putridus, præsertim der Hasentäß den die alien Weiter verkauft/ fabæ & legumina reliqua, unde perspectus Pythagoras suos discipulos arcebat à fabis, cerevisia crassa &c.

11. Motus etiam hic recensendus. Nam videmus eos qui vagantes, cantantes, cursitantes, vociferantes, balantes, bacchantes, clamitantes, vorantes, porantes, ingurgitantes, mendicantes, hiantes, hoantes, in curta tunica saltantes, nullum angulum intactum relinquunt, hoc malo potissimum detineri, urgeri, torqueri. Sic e contra, qui in claustris, carceribus, cellis, ergastulis, angulis, cameris scholasticis tanquam pisistrinis, mille repagulis, compedibus, vincti, catenati, serrati, ligati, servati, ob inopiam aëris purioris in hunc affectum prolabuntur, aut prolapsi confirmantur,

12. Somnus & hoc loco aliquid potest. Qui enim ex ijs glires, agunt, magis divexantur, ut noctu hiantes, ronchantes, sternutantes, furzantes, cacantes, schnarchantes, &c. Hiantibus præsertim magis periculi subest, noctu enim animalcula, ut cimices, pulices, culices, tineæ, vespertiliones os intrantes, irreptantes, permerdantes, & mentem perturbantes, divexantes, subtile serum exiccantes, & mala alia excitantes, misellos hosce asellos misellè excruciant & dilaniant. Idem quoq; de vigilia esto iudicium.

13. Excreta & retenta suum quoque in hoc affectu locum habent. Dum enim pulverem scholasticum absorbent, deglutiunt, imbibunt attrahunt, retinent, coquunt, assimulant, apponunt, magnum cornibus fulcrum addunt, ita etiam bono quoq; alimento excluso & excreto fœces sibi reservant, & sui infortunij authores existunt. Ex pathematis sunt ira beanina, timor, *sür den wilden Großvater* vñd *sür den Schisseln* / ut & virgis & alapis des *Grossen Schulsuchs* / qui Archibeavorum omnium est pater, avus, abavus, atavus, proavus, *vhr/vhr/vhr Großaltvater* vñd Rabbi, Khimmel, Pavor, mœstitia, horror, rigor, perturbatio, mentis, frustrati amores, quos sequitur Desperatio asinina.

14. Proxima causa est lac maternum, mala educatio, Unde crassi exhalantes fumi mentis sedem occupant, quos dum frustra natura expellere conatur, tandem in duram & corneam substantiam converteus eam, extra cerebrum foras protrudit.

15. Signa. Primo prodit se intuitu Beauns, cornua enim gerit satis manifesta & conspicua extra pileum protuberantia, pulsus ipsi magnus, vehemens, celer, durus, plenus, frequens, inæqualis inæqualiter, bis vel sæpius fericus ferratus, caprizans omnium frequentissimus apparet. Urina crassa, turbida, cruenta, fœculenta instar jumentorum cornutorum, plurima, fœtida & graveolens, rubra imò etiam nigricans, vel viridis, spumans, in qua volitant ranæ, cantharides, lacertæ, vespertiliones, scorpiones, subsident spectra, capripedes, capræ saltantes, dracovolans, grandines, &c. Inveniuntur etiam ramenta cornuum, capita leporina, flatus retenti sursum tendentes, nolæ quæ pugni magnitudinem ferme æquant, & id genus alia tonitrua: torvis tuetur oculis, juxta illud: torva tuentibus hircis. Frons ipsi Simiæ aut Asini,

Afini, capilli recti, rigidi, crassi, wie ein Pfennigstrief / impexi, qui findi possunt in 4 5. 6. 7. & plures partes : caput quadrangulare, nigricans, exustum, calidissimum, durissimum, distortum, acutum, os hiulcum, instar proboscidis elephanti, dentes aprini, exerti prominentes, prolongi, crassi, oculi cyclopici, aures leporinae, surdae, collum picis instar niveum, barba aut nulla aut schustralis, inculta, isqualens, horrentibus aspera dumis, nares curvae, aquilinae sumptig / wie die Schnaasnasen / spirantes avernum, exhalantes Mephitim : facies planè Aesopica, Therisitica, Marcolphica : corpus deniq; totum.

Monstrum horrendum, informe, ingens, cui lumen ademptum.

16. Signalia moralia maximè hic notari debent, incessus ciconialis, secundum tabulaturam Belgicam, hinc inde nutans & ISTÆ & ISTÆ DOMUS MEÆ sunt innuens, gradus grollatorius, inrerdu testudineus vel formicinus, interdum velocissimus. Pallium etiam habent ægri ab uno latere dependens, quando domo exeunt pallium non statim applicant, sed postquam jam aliquot stadia vel jugera fuerunt emensi, de brachio, in quo instar virginis puerum recens natum baptismo deportantis, antè gestarunt, deponunt, & scapulas suas! latas, ventrem sesquipede exstantem, abdomen insaturabile turgidum, inexplabile tegunt. Pallijs se quandoq; involuunt, seu subcingunt, in primis cum ex Gallijs veniunt, vel in nundinis Francofurtensibus Gallum viderunt. Ligulas circa collum pendentes aëri exponunt. Oculos habent Uranoscopi, manus gesticulationes histrionicas exercentes wie andere Sabelhansen vnd cornuti Wetter / vociferationibus, coaxationibus, mugitu, rugitu, grunntu, gannitu, boatu, belatu, latratu, ceu rustici temulenti implent omnia, templa, plateas, ædes, hospitia, cubicula, popinas, latrinas, fama, fora, quatuor mundi Elementa, imò cælum, infernum & purgatorium, Limbum Sanctorum Patrum, summo quasi Jovi & Plutoni iusultantes. Canum etiam instar ipso meridie quemvis murum permingunt, præclari Diogenis Cynici imitatores, O MORES! O RES!

17. Nimis adhuc parum diximus, ipsorum modestia planè est

A 3

immo-

immodesta, gregatim volant ut grues, catervatim discurrunt ut
sues: mores ipsorum in mensa horrores aliorum, canini, vola
utraque illota (nam certis anni temporibus pro sua devotione &
superstitiosa religione lavant manus) pro cochleari utuntur: os
cibis & bolis infarctum & gravatum clamitationibus disten
dunt, quasi essent in balneo, muscas carnibus, caseis, panibus &
patinis insidentes, veluti Justitiæ cultores singulari dexteritate
ipsis solummodo propria, Cyclopice, miserabiliter, horribili
ter, immaniter, crudeliter, truculenter, fraudulentè, inhumana
niter jugulant, decollant, excruciant, exenterant, exossant, truci
dant, dissecant, discindunt, diffindunt, diffringunt. Utroque
cubito tanquam firmis fulcris, aut Herculeanis (pius ultra)
columnis innituntur, perforant orbes, quadras, cochlearia, bo
ream naribus spirant, diductis hinc inde labijs resonando vo
rantes suos Bavaricos & Bohemicos imitantur; Et ad summam,
deglutiendo tantam molem absument, ut si nova comparemus
antiquis, ipsum Milonem Crotoniatem oporteret manere domi.
18. Doctrina pollent tam excellenti & multiloqua, ut in mi
nimo ne cedant antiquis veteres Philosophos licet nunquam
viderint tam exactè tenent, ut quamvis tyrones cum emeritis ta
men pugnare audent. Idem de reliquis esto judicium. Tot com
pendia, tot methodos, tot denique inveniunt nova, inaudita,
inusitata, mirabundria, ut antiquitatem obscurare videantur,
Sed interim tamen perpetuas lites agunt cum Prisciano & Ælio,
proh DEUM!

*Non mihi si lingua centum sint, oraque centum,
Ferreæ vox, omnes Bacchantum scribere formas
Sufficerem.*

19. Amant quin etiam, quod mirum: an amentur, dubitamus
satis, Interim tamen acquirunt aut quærunt potius amorem va
rijs modis, inter quos:

*Cithara schustringalis est omni tempore talis:
Qualis Bacchantum, magna cum voce balantum.*

Insuper canunt ad numeros & saltant per plateas, tantum
modo

modo cum Beanis conversantur, similis enim gaudet simili, secundum versum.

Cornua fer tecum, si vis colludere mecum.

20. Ne cornua omnia appa-
reant, pileum, tametsi honestum
virum prætereant, non detrahunt,
sed ab alijs detrahatur, ille mo-
dicè extrema tangentes cornibus
suis parant, & gravitatis Bea-
nicæ specimina edunt. Imò magis
fugiant honoratum virum
quàm Diabolus, quod ajunt, crucem,
& aquam lustralem, aut
annosam vetulam.

21. Cum diutius hæserimus in
signis, prognostica breviora fa-
ciemus. Sciendum itaq; Archibeanos
esse incurabiles. De Beanis rem
esse lubricam; Beanulos autem bene
curari posse. Incipiunt autem cornua
foras exire circa tempus pubertatis,
& post vigesimum primum vix
eradicari possunt.

22. Et ne quis ridiculum existimet
symptoma hoc incurabile esse,
afferemus aliquot historias, quæ
extant apud suprâ citatum
ornatis. doctiss. & fide dignum
Cajum Cornarium Centuria
curationum 28. lib. 99. fol. 2163895120.

23. Primus patrum nostrorum
memoria vixit Lobedæ ibidem
scholæ minister, laborans hoc
affectu, qui à Medicis omni-
bus pro desperato relictus miserè
obiit, cujus hoc extat Epitaphium.

Heus tu qui præteris, gradum

Siste, considera fatum

Nefandum, miserabile,

Durum, inexorabile,

Johannes Buck ins Müß genant

Qui natus est im Hörnerlande

Hic dum vellet deponere

Cornua præ magno onere,

Propter ingentes mærores,

Et maximos dolores,

Mortuus est, jacet in pace,

Iam abi domum mox, & Tace.

B. ANNOS. XL. M. II. D. V. VIII.

⊙ ANNO, M. DC. LI. VI. JULII.

24. Extat & aliud Lvaingæ cujusdam,
qui post mille dolores miserè
obiit ob putrescentia cornua &
vermium in cavitate ipsorum
multitudinem enatorum, hoc modo:

Hic

Hier liegt begraben Käß vnd Brodt/
Den hat ermordet der bitter Todt/
Die weil er glitten grosse Noth/
An seinen Hörnern ohne Spott/
Sie sind gewesen ganz Blutroht/
Vnd haben gestuncken wie ein Roth/
Dazu gewogen wol tausende Loht/
Dem wol gnaden der liebe Gott.

25. Hoc nuper cuidam positum est:

BEANE.
QUI. PRÆTERIS.
LEGE.
ET. FRATRIS. FATUM
DOLE.
ARCHIBEANIS. S.

*Natura quæ protruserat
Solers, & mihi dederat
Cornua, non volui
Deponere, sed renui
Opem iuvantis Medici,
O miser & me perdidit,
Post putrefactis cornibus
Et intus natis vermibus
Summo dolore perij!
Cave Lector, cave tibi
Nunc mortuus hîc jaceo
Exemplum, quamvis taceo
Rogo, velis deponere,
Ut releveris onere.*

26. Meminimus quoq; nos legisse hoc Epitaphium Kerastri
Archibeani, Herbornæ in cæmeterio Cornutorum:

Si non

*Si non fuisset arrogans
Et Cornuum perpes amans,
Non essem esca vermibus
Et mortuus cum cornibus.
Quare quicumq; prateris
Si ictum hominem sequeris,
Ne cornu rogo teneas
Et sicut ego pereas.*

27. Hoc praterita septimana mihi missum ab amico, positum est cuidam verè mortuo in gymnasio Stetinensi, Brennensi.

*Hic conditur Tremellius
Cum grossiculo nasculo,
Superbus decem cornibus
Quadrato conditorio.
Nam qui quadratis cornibus,
Quadrata fronte & pedibus,
Quadrata lingua & auribus,
Et qui quadrato ore,
Et qui quadrata voce
Quadratis adest vermibus,
Abi homo vidisti mirabundria,
Si te manes quadrati audiant
Quadratis cornibus te projiciant.*

28. Ut igitur his omissis ad curam nos convertamus, tres hosti phalanges objiciemus, Dietam, Pharmaciam & Cheirurgiam.

29. Aer eligendus purus, subtilis, lucidus, à Beanorum sylvis, collegijs, latibulis, antris, casis, tugurijs valdè remotus. Inprimis laudatur ille qui est Ingolstadij, Helmstadij, Jenæ, Lipsiæ, Marpurgi, Heidelbergæ, Francofurti, Coloniae, Witebergæ & similibus in locis. Huic aeri, modò consultum sibi velint, aliquot annis assvescant, necessum est.

29. Cibus sit tenuis, concoctu facilis, inprimis medicamentosus, ut inferius in Pharmacia dicetur: poterunt etiam singulis

B

diebus

diebus ter propinari ursæ, item canes villosi, morosi, rabiosi, ut moloſſus, hylax, lyciſea, artocreati, ex farina fuliginosa subacta inclusa, oder den Eulenspiegel in etnem gälben Drine. Potus parcus, vinum aquosum, laurum, coventum, raſtrum, Juncfer/ Guetguet/ Püſſel/ Klappit/ Glaiſch. Notetur hic verſiculus Lipſi

Etn Topff ſcherpentum, Zween raſtrum, ſpanq, coventum.

30. Aqua in qua caudæ murinæ, aures leporinæ, podex atque ungues aſini ſunt decocta. Vino primo anno curæ omnino abſtineant, ſub finem primi & ineunte ſecundo confortationis loco in prandio parum concedatur. Tertio mediocriter admitatur. Nam non convenit iſſis antequam corpus à cruditatibus ſcholasticis ſit benè purificatum, Beans enim

Vina parant aſinos, faciuntq, hos fuſtibus aptos.

31. Somnus, vigilia, motus & quies mediocria omnia.

32. In excretis & retentis maximè ſtudeant Retentioni, taceant ſcilicet, audiant ſtudioſos, ſilentium Pythagoricum obſervent, nec quicquam niſi bene noverint, effutiant & excernant.

33. Pathemata animi fugiant ſuprà dicta. Conceduntur iſſis humilitas, humanitas, obſervantia erga ſtudioſos, diſcendi ſtudium & diligentia. Obſectationes & obſurgationes aliorum modeſtè audiant, & ſecundum has vitia ſua paulatim emendent.

34. Tria propoſita nobis habemus, ſubtractionem humoris morbiſici, ablationem cornuum, & deniquè confortationem cerebri. Quod ut melius aſequamur, craſſos primùm attenuabimus & præparabimus humores, ut ſyr. de axungia rotæ, ſyr. de ſpecillis, ſyr. de ſagittis, ſyr. de falee meſſoria, ſyr. de novacula, qui omnes in noſtris officinis præparati habentur. Imprimis autem convenit ſyrupus de multiplici infuſione fuſtium, ſimplex vel qui melior eſt compoſitus, qui aromatizetur claviculis ferreis q. ſ. exhibeantur cum decocto ferularum, bruſei, paliuri. Herbæ poſt coctionem, vel quod melius, recentes capiti arctiſſimè applicentur & alligentur, habent enim ſingularem vim in digerenda materia craſſa & emoliendis cornibus. Doſes ſyruporum

porum pro Medici judicio ad agri tolerantiam augeri minui
possunt.

35. Purgabitur optimè materia præparata pilulis de baccis ovinis, asininis, globis equinis, suillis, quadris vaccinis, de dumis, fustibus, rastris, vomere, bibente, tridente. Pilulæ quæ ore saltem retentæ vehementer & mirè purgant ex præseginibus ungularum equinarum, corij, stercore columbino, anserino, felino, canino, &c. Veteramenta & corrigia calceamenti trochisca. Commendantur præ reliquis pil. de ligno buxi, pinastris, ilicis, abietis, tormentum ad magnitudinem juglandis, deglutantur singulis manè numero XXXV. plus minusvè. Si ager aversetur, conchylijs involvat, aut visco obducatur, asperso pulvere nostro cordiali, de quo alibi diximus.

36. Generalibus præmissis speciales succedunt evacuationes, quæ fiant Errhinis, sternutatorijs, nasalijs, Apophlegmatismis, masticatorijs, ex ficibus equinis, radice liripipij, radicibus a b c d, cranio equino, aut asinino, caudis murinis, glirinis, bovinis, vaccinis, leporinis, ovinis, felinis, corvinis, caprinis, cancrinis, mustelinis, leoninis, camelinis, elephantinis, talpinis, agninis, aprinis, arietinis, caballinis, hircinis, hædinis, lupinis, vulpinis, porcinis, taurinis, vervecinis, ursinis, vitullinis. Imò & rostris avinis, accipitrinis, aquilinis, anatinis, anserinis, columbinis, corvinis, cuculinis, ficedulinis, graculinis, gruvinis, gryphinis, merulinis, milvinis, palumbinis, pardalidis, passerinis, sturninidis, vulturinis.

37. Nec parùm laudantur gargarismata ex decoctione albi græci, medullæ intestini recti animalium ruminantium, ut vaccarum, boum, &c. Decoquantur ad tertias, dulcorentur felle lucij piscis, murænæ, canis marini, hippotami Indici.

28. His ita peractis in revulsionibus magna spes posita est, quæ fiunt compedibus, verberibus, virgis, alapis, pene bovis exsiccatæ & subula benè longa condito, Mit einem Ochsenfiesel/ flagellis, fustibus, laqueis nauticis, clavis Herculeanis, rastris, venabulis & similibus ingenijs, quæ prudenti Medico committimus.

39. Cornua jam antequam eradicantur emollienda erunt, quan

tum fieri potest, medicamentis emollientibus, quorum quædam supra recensuimus, præsertim commendatur penis bovinus supra dicto modo præparatus, & ante cibum, vel etiam sæpius applicatus summa vi & industria, vicem quoq; ejus supplere possunt mallei majores fabrorum, ligna decem pedes longa, quatuor crassa, cingula ferro aromatizata, libræ tres quatuorve plumbi filo crasso adpensæ & applicatæ, &c. Poterit etiam caput incudi, submitti aut prælo includi ad horas 5. aut 6. Pileolum seu cucupham, si adhiberi opus sit, fiat ex 90. aut 100. libris plumbi, indus obducatur pelle histricis aut erinacei, applicetur singulis manè per horas 3. aut 4. æger abstineat à somno, laboribus, & domi maneat nec sedens, nec jacens, sed stans potius, vel cubito innitens.

40. Et jam tempus acerrimum aggredi hostem. Ægro manibus post terga revinctis ut & pedibus, caput inter binas antennis tam arctè collocetur, ne id movere possit, cui genibus nitenti debita ratione Cheirurgus terra primò majores ramos, dein dolabra & lima si opus sit, reliquias auferat.

41. Si verò possit, quod melius erit, ablata pelle & nudato cranium, forcipe radices funditus extrahat, vel aqua forti absumat, ne quid reliquum maneat, quod vicissim expululare possit.

42. His peractis ferramento candente, si malum inveteratum sit radices perurat, ne recrecant, salem sapientiæ ori imponat, habet enim hic mirabilem virtutem, & prohibet, ne radices putrescentes cerebro noceant, putrefactas quin etiam fortiter expellit, & naturam pristinæ restituit integritati: cui adjungi quoq; debet vinum capiti infusum, quod eadem facit.

43. Hoc loco annotandum est, quibusdam etiam maximum dentem, Beaninum dictum, molestum esse, qui easdem habet causas & naturam ut cornua, quem simili modo dexter curabit Cheirurgus.

44. Post ablationem in lecto collocetur æger, urticâ Romanâ strato, in quo jejunus quiescat per 46. dies, & singulis diebus quater lectus mutetur, pelle asinina diligenter tegatur, capite leporinis exuvijs insuto, sudor ipsi provocetur loris, hasta regia,

gia, &c. Amuleti vice ad collare nolis refertum maxillæ asini, equi, cameli, Rhinocerotis, oder ein paar Lasterstein/appendantur, Hæc enim singulari antipathia hoc symptoma longè propellunt.

45. Cum verò rarò, imò nunquam planè auferri possit, præservativis opus erit, ne revertatur affectus. Miris modis prodest theriaca Beanorum, quam descripsimus in nostra practica majori, quæ singulariter pugnât cum affectione, quam hortamur, ut omnes pharmacopœi in suis officinis ob maximam necessitatem paratam habeant. Proderit quoq; album Græcum trochiscatum, confectiones ferularum & roboris quercini, condita cotis & filicis, morselli ex aloe, colocynthide, diagridio, asa fœtida in tabulis, &c.

46. Conclusionis loco Empiricum hoc adjiciemus, quod celeberrimus Rabbi Moses Chaldaus & Caballista in Asia, Africa, Europa & America in multis hominum millibus probavit, quod medicamentum facit, ut nunquam recreſcant cornua, quod gratis communicamus misellis hæc Afellis, est autem tale:

R. Saburra ℥ xii.

Mercurij sublimati ℥ x.

Squama aeris

Fuliginis Caminiana ℥ viiij.

Balsami Beanorum ℥ vj.

Scarabeorum

Locustarum

Cantharidum

Cimicum ana ℥ iiij.

Vitri Veneti pulv. ℥ ij.

Fungorum ℥ j.

Diagridij ℥ rj. & G. ij.

Opj

Cicutæ ana ℥ j.

Gypsi

Auripigmenti ana G. j. ℞.

Comminutis comminuendis.

R. Fœtura Ranarum

Axungia rotæ

Visci ana q. s.

Misce. F. Electuarium

Signetur Bachanten Latweg.

Dosis cochl. xxvij.

Singulis manè ventriculo jejuno decem horis ante pastum sumatur.

A 3

CORO-



COROLLARIA.

I.

An hic affectus etiam cadit in sexum fœmininum? A. licet rarius eveniat, teste Hipp. Aph. 26. sect. 1. Cal. 15. Meth. c. 3. Talicotio lib. 6. quest. Cheirurg. quest. 17. ratio in promptu est, quia cum hic sexus sit habitus mollioris, & calorem habeat mitiorem, materia non potest in tantum indurescere, nec calor eam per durissimum Cranij os expellere: faciliiori igitur via onus hoc ad mammas ablegat, & reliquias menses expellit. De qua re latius in praxi nostra egimus, quò lectorem ablegamus.

II.

An in hoc malo sit vena tundenda? N. Ob summam cacochymiam. Si tamen adsit plethora, in phlebotomie locum succedent, hirundinum more, Basilisci, viperæ, scorpij, colubri, hydri, lacertæ, dracones, bufones, cæcilia, salamandra, & similia applicata. Fiant autem hæc in existente in Sphæra octava ad præsepe aselli cum ☿ aut ☿ ☿

III.

An cornua resecta usum habeant. A. Primò in Medicina. Preparata enim ad modum Cranij humani, pulverisata & Beanis paroxysmi tēpore ad ℥i. ss. administrata, sudores egregiè promovent. In Archibeanis ubi res est desperata, singulis manè sumpta cura palliativæ vicem gerunt; Beanulis condimenti instar præscribuntur. Si quoq; mater tempore gestationis & lactationis frequenter hisce cornibus utatur, fœtum ab hisce planè immunem enitetur: ut enim scorpius suæ plagæ est remedium, ita etiam singulari antipathia cum affectibus Cornutis pugnare

pugnare hac creduntur, teste Alberto Magno in secretis. Deinde habent alium quoq; usum, fiunt ex hisce, dentium, aurium, & linguarum scalpella, manubria, cultraria, amuleta, pocula, annuli, arcus, siphones, globuli, lagena, inductoria, Eittensässer! Pinal Sandtbären! 2c. Omnia Beanoram utilitati accommodissim, quæ judicio industrij artificis relinquenda ducimus.

IV.

An definitio hac sit perfecta, Beanus est Animal nesciens vitam Studiosorum? Aff.

V.

In quo prædicamento reperiatur Beanus? R. in omnibus, quia est super omnia & transcendens.

VI.

Cornua Beani & alius cornuti Animalis an differant specie? N. Coll. Conimb. c. 6. quest. 8, art. 9. S. Beanus.

VII.

Possuntne homines etiam dici? Respondetur posse, sed improprie & late sumpta significatione, eodem modo quo mantaci, phrenetici & stulti, homines dicuntur, in quibus tamen ratio, qua homo à bruto differt, planè occulta imò sepulta delitescit.

IX.

Utrum debeant admitti ad conversationes studiosorum, & hic utiliter queritur? Resp. distinguendo. Qui enim curabiles sunt, & jam sub Chirurghi fuere manu, cur non admittantur? Imò cum magna ipsorum fiet hoc utilitate, Incurabiles autem ablegentur ultra Garamantas & Indos, aut ad Aetnaeos fratres, quibus in ferendis carbonibus usui esse possunt. Nihil etiam in his tentandum auxilij, ne præsidia diffamentur, quæ multis fuere saluti.

TANDEM. VOS. QUI. FELICI. MANU
HUMANO. CONSULTIS. GENERI.
ET.

ET. PRÆCLARA. METAMORPHOSI. EX-
URSO. APRO. TIGRIDE. LEONE.
ASINO. IMO. QUAUIS. FERA.

HOMINEM. REFORMATIS.
IMPENSE. ROGAMUS.

UT. CANICULARES. HOSCE. SALES
BENIGNE. ACCIPIATIS.

BEANUM. TE. AUTEM. HORTAMUR.
QUI. HÆC. LEGIS.

VT. E. JOCIS. SERIA. ADDISCENS.
MENDAS. EMENDES. VITÆ.

ET BEANINIS DEPOSITIS EXUVIIS
STUDIOSO INDUARIS.

SIC TIBI DEMUM NOSTRA HÆC
VERE PLACEBUNT.

SIN MAVIS.

TUO PERICULO BEANUS SENE-
SCAS LICET.

ET AD GRÆCORVM Π. ΑCΤÆΟΝ
ΑΒΕΑΣ. Zum Gowerbrunnen.

V A L E.



GEO. PEABODY

610

207

L557

1627

C.1

5929714
8meil

